

Izjava OHR-a na konferenciji za medije međunarodnih organizacija u Mostaru

Misija OSCE u BiH i OHR podsjećaju na rok za traženje revizije dodjela zemljišta po Zakonu o građevinskom zemljištu

Rok za traženje revizije po Zakonu o građevinskom zemljištu ističe 16. maja 2005. Pozivaju se svi koji su bili korisnici građevinskog zemljišta do 1992. godine, čije je pravo zatim poništeno, da se prijave za reviziju takve odluke po ovom zakonu prije isteka roka. Zahtjevi za reviziju trebaju se podnijeti u općinama u kojima se zemljište nalazi; općinskim odjelima za imovinske i pravne poslove u Federaciji BiH i općinskim uredima Geodetskog instituta u RS.

Zakon o građevinskom zemljištu stupio je na snagu 15. maja 2003. u oba BiH entiteta. Ovaj zakon sadrži mehanizam prema kojem predratni korisnici građevinskog zemljišta mogu tražiti reviziju i osporiti ukidanje tog prava, koje je izvršeno mimo njihovog pristanka. U nedavnom ispitivanju koje je provela Misija OSCE-a u BiH ustanovljeno je da je veoma mali broj zahtjeva za reviziju podnešen na prostoru cijele BiH; ukupno oko 150. Nadležne vlasti nisu poduzele ništa u slučaju 40% ovih zahtjeva. Oko 20 zahtjeva riješeno je pozitivno ponudom preuzimanja zemljišta u posjed, dodjela drugih zemljišnih parcela i-ili nadoknade u gotovini.

Zakon o javnom radiotelevizijskom sistemu

Članovi Zastupničkog doma Parlamenta Bosne i Hercegovine će raspravljati o Zakonu o Javnom radiotelevizijskome sistemu na njihovoj sutrašnjoj sjednici.

Reforma javnog radiotelevizijskog sistema je preduvjet da se BiH prema Sporazumu o stabilizaciji i pridruživanju. Prema tome, neusvajanje ovog prijeko potrebnog zakona o Javnom radiotelevizijskom servisu može ugroziti europske perspective u ovom ključnom trenutku, kada se EU priprema da u mjesecu maju izvrši procjenu napretka postignutoga u BiH, i kada se druge zemlje u regiji pridružuju procesu pridruživanja EU.

Mi stoga tražimo od članova Zastupničkog doma da podupru usvajanje zakona koji je ranije odobrilo Vijeće ministara, i odbace zaključke koje je usvojila Komisija za komunikacije i promet.

Ujedinjenje Centara za socijalni rad

OHR želi pohvaliti vlasti Grada Mostara zbog postizanja potpunog ujedinjenja centara za socijalni rad. Od danas će svi zaposleni raditi u prijeratnim prostorijama, na dobrobit svih Mostaraca, a posebno onih kojima je to najviše potrebno: socijalno ugroženih. Ovaj uspješan primjer jasno pokazuje da se odluka Gradskog vijeća o ujedinjenju gradskih institucija može provesti brzo i efikasno. OHR poziva gradske vlasti da slijede taj put kako bi osigurali ujedinjenje svih podijeljenih gradskih institucija. Na taj način moci će građanima što je prije moguće pružiti kvalitetnije usluge.